华













四十六頁十大處行三十二十六 十九百人等通之人骨宜即 是我然起……一向十、四十二 魔魂羽星風之皇八三三四十七 福惡選事,……三十三 圣 勸汝咬奸鳴餓信得西方及十方頁 三十八月 非時食我如此之一七八 养館克好以支荷之 …三十五 我依念处行了~~~~~~~~~~ 十八頁 世出世事志思 十二百 下九行 動人為頭ーーーニーニーニーニー 三十六百人永明大師慰問大師三十六

清门囊相……一年一

田地……………………………

馬利者十三九 ……三十 人情

五十四頁取行詩



晉水瓔珞院沙門善臂 萬益大師警訓略錄

集

年歲次癸酉四月學南山律於禾山萬壽巖 以自惕故於嘉言多有闕遺後之賢者幸為增訂焉於時後二十二 為覈纂題曰蕅益大師警訓略錄今復改集并存二名挈錄之意唯 壬戌之歲嘗依靈峯宗論摭寫警訓一卷顔日寒笳集辛未 仲秋

願文

尼·藏。 稽首大慈悲救護末劫者我念末劫苦破戒為第一我 《毗尼若住世正法永不滅行成果斯尅教不屬空言或因持 思救苦方無越 戒 毗。

成淨滿尊或因淨尸羅嚴淨諸佛土或因别解脱作獨覺聲聞。

1

或因善戒

0

衆 説 力、 生禪 差 略下 別究竟歸 及 天道亦作人中勝福樂好名稱 乘 如 是勝妙法願為我昭明普度長夜中無依 如 是 差 别 果皆 由 戒 所

法語

應 以猛

忽心一言有益於己 略上 切心治姑待心常念時不待人一蹉 便應著眼銘心以深廣心治將就心期待誓同先 學道難矣 便成 百蹉 以 殷重 一心治輕

流一 不 俗 教參禪 可 知見不 學 道、 :不可得道依文解義不可會道欲速喜近不可悟道隔小· 顧五 是惜非不 可人道我慢習氣 可謀道自信己意不 不 可 水道未會: 可問道捨動求静 1.先會 不 可語道宴安怠惰 不 可 養 道、

0

舉措莫類時流三若缺一

得

近

無。

怙。

捍 勞 親 將計就 典 型博 미 荷 見道執穢為 通古今特達勇鋭深心無極誓窮法海源底。 且 近 知識觸處體會以教印心廣大悠久事理雙備棲神 不可修道得少為 淨 不 可 知道厭常 足 不 可證 喜 道。 新 不 可趨道樂簡 惟 超 羣拔俗謙己虚心忍苦 之、其義相反、可以上二行之文、與前 畏繁 淨域履 不 可 明

無愧 卻人身苦中之苦人間五十年四王天一晝夜有何實法可戀若不急尋 夫 出 要寧唯一錯百錯塵沙劫數未有了期血性漢子能勿悚然在念乎 比丘者體預僧寶之尊職紹佛法之種須超羣拔俗迥脱流俗知見方 厥名儻故轍不改則一舉一 動罪案如山一旦業 風 吹去袈裟下失

乃真。

實男子出世丈夫

3

有蓋世文章今文章學問不從立品格始品格不從開見地始是之楚而

出格見地方有千古品格有千古品格方有超方學問有超方學問

北 以性違習安能 氣 其 轅 不 也。嗚 除 無出 呼習俗移人賢 生死分然習 洞開見地使文章事業 智 氣 熏 不 免扭一 染 非一 一時耳目忘 朝 以貫之也哉 ___ 夕之故不 曠劫 因緣 痛 加 錐 非 拶 以

生。 頓 復 躊 路將 劫。 須猛念身世無常幻緣虚 何期便將是非人 如 來出世要法徹底承當愛樂受持精勤趨 我 體 假人道 面 界牆身見慢幢愛染情性全 難。 生、 佛乘難遇 失此。 向。 自然福慧增長 不。 求度脱 體 放

G 日 本 今時釋 造 深 微。 :子只圖 略下 作宗法律師 設 無 出 頭一 著、 雖 頓

超

佛

地

者

亦

顧

世公案本分事 孜 消 文為 心 原 非 事。 為 參 菩提大道曠劫遠猷故 千萬重矣彼於微妙佛道僅從經本上依稀 禪、 念念機 鋒 是 務。 至 應 受戒兢: 期 禁 足 兢 閉 關 鉢 等、 杖 皆 表 聞。 百 解、 年 活 聽 講、 孜

0

理

何

由

或。 自 知。 被名利改節。 稱 灼。 雖學 見終屬半信半疑於眼前活計未嘗諦觀三界空苦無常終覺 一未嘗 成 語陵駕 雖 以佛 云漸變初 佛 祖 自期也間 祖、 實 心仍是因中夾帶不可不 時高 有發勝志者 興或初 生 一牛犢 不 能 到底 不 慎 畏虎或童 思 唯為菩提 而 痛 勵也。 豎 戲 劇

纏繞。 收徒 儻 衆 縱 名 透盡 關 如 未破、 無 相好佛無明業識不斷俱為自誑自欺 千七百公案講盡三乘十二分教興崇 利鎖 未開藉言弘法利生止是眼前活計 梵 刹 如 點偷 給 孤 心萬 獨 園、

相 而 生輕忽三懈怠於諸妙法不肯學習三法有一牽入惡道忘失信心 智 能 應、 敗戒德使信 即 相應、 念 念成佛稍不合便於菩薩戒得失意罪在 名菩提心發此心已方得無作戒又須二六時常自省察念念 心退没一 瞋恚横於自他而生惱害二我慢於諸僧寶 慎 思 而 力行

撰。 主。 義、 的 盡情放捨 確 求 出 生 、軟煖習氣盡情打掃乾淨夢幻 死、 證 菩 提。 先將近時禪講流弊盡情識破自 身命盡情拌 · 得· 抛· 得。 種

討 官 種。 種。 苦 順情 恶。 究 I境鍊之人 佛法第 逆。 境。 境界盡情看作毒藥毒箭 界盡情看作 ___ 要務諸佛 我 山高者逆緣挫之體面心重者忍辱治之 真實受益之處名利聲色飲食衣服讚譽供養 所師所謂法也况弟子 。 。 略又身見重者宜苦行消之貪愛強 乎雖勝義法性、 貴 在

魔 證。 教 亦 儻 出 脅尊 非 黄卷 衰 求 八十出家 力 出 生 赤 弱 只堪念佛豈 死、 牘 不 作標月指示真實修行出 畫觀三藏夜習禪思乃有 知 (正法求) 年少不必念佛年老 昇反 墜故 不 当要何由! 留心教典饒勇猛精進定 濟合 有謬 不 得 可 證勝義 習 三云年 教。 將 少力強 試觀 謂 如 宜 外 來 成 道 教

法、

同

.舉子業博名利於半生者乎一歷耳根永為道種大士

所

、 以 捨

身 求 知。 恒。 沙。 偈 世。 他為 界、 今 佛 無。 量。 法 劫。 流 中、 布、 妙。 賴 法。 泇 名。 葉 字。 30 不。 難 口。 得。 祖 而。 徹 聞。 底 也。 悲 小% 亦1 閱 皆 藏 視 四 則。

閒。

稔。 有 體 祇、 此 本 次 方 法 知。 如 次 不 佛。 第。 來 界 留 今人 匙 世。 受 誦、 心 説 芳。 鑰 台 説 法 次 規、 教、 空 食 本 根 徧 深。 開 腹 數 意、 本、 深 鍊為。 寶 高 要 次 不 知 心 思 人 五 如 分次 僧要務次閱 議 超 來 但 經論之鎖 説 圖 生 及善 脱 法 圓 學 所 頓 死、 之名。 以然之妙 見毗 問 非 勢 之 為 四 道 無 尼 如 阳 口 含了 母 力 貴 耳 破 等諸家傳 及 飲 活 竹 下 矣 計% 四 正 河、 學 悉檀 因緣 詎 上 句 能 達、 句 境、 受 閲 巧 吞 所 消 被 不 律、 為 海 以 歸 之致然後 如 自 同、 首 圓 必 先 各 妙 來 心。 四 有 分、 閱。 施 如 觀 説 源 次 教 修 須 必

集要全部中莫謂此小

乘法不足久久留心當捨之别參

E

乘是

須

細

尋之無執

非

餘、

亦

無

猶

豫

兩

楹、

在

得

意善

用。

大

意

如

問

所

0

擇

摩

只此成錄足驗手

眼

出 要語 見諦。 慢惡見牽人墮惡道深坑。 尼 期 自 然各 利 就 利 他 習 如 氣 雪 所 重 Ш 對治 無 非 不 ·可·信·也。 藥採 所宜、 者 或 期 隨 於對 時 弊 大 病。 小 不 寶 同 經 律 Ш 救 論 無 拯 有 非 雖 異、 字 字 取 不 妨 明 摘

動8 萬 無 真 仔 靈、 法 主、 亦 本 細 雑求 縱令共合那 冤 融、 屈六塵境界詎 由 迷情 塵 既 執 不居其咎根亦豈 有實法 而 成 思六 礙。 而 如 塵 於 非能 指 此 虚妄 職其 能 惑 蔽 人人自 (愆識) 法中、 Ш 岳、 -著我 寧獨當 認 妄 温 惑。 著 必 其罪% 人分 根 遺 根 大 取分 幻 海。 科 馳。 不 捨。猶 分析 惟 識 識 埋

紛

如

没

作。 亂 華發 超。 生、 方特達之觀譬如為天下者不顧家則智眼 更 欲 分 别 華 相 妍 醜 大 小。 不 益 惑 平。 惟 將。 昭明一 身。 小小。 Щ° 切。 境。 全。

放。

捏

無。

非真實受用處矣。

夫 幻 境 侵奪、 界 全 不 惟 · 明變現 · 順 流 俗 無 而 俱 化 也、 即 厭 全 流 俗 而 性 切 思 遠 離 故 亦 横 欣

0

夜。 趨 欲 糧 與 之在迷以悲迷 無 切 性 上 境 起信論云菩薩 菩提者不是 德之樂發此心已則一切不 是 無 得隨 故 見法欲滅護 起 無作二 順 幻境亦 明變 一
誓
欲 現 不 正 之性 法故發菩提心有見衆生苦 拔 得 如法境界觸目警 厭 性 德之苦以了 離 一即法 幻境但了幻境即法性悲長 由 心無非 性 不 達 故 起 助發菩薩 無 作二 生 而 發

0 惟 氣 盡情放下放至無可放處淡性自得現前淡性既現三界津 恐 習嗚呼善友罕逢惡緣偏盛非 發之心人皆有之不能不藉於外緣羞惡之心人皆有之不能不 不 濃、 出世法惟恐不淡 略欲深人淡字法門須 咬釘。 嚼鐵刻骨鏤心何以自 將 無始 虚 I拔哉 世 津有味 妄 濃 厚 沿口。

提

心。

正

謂

此

世间

如。 噫、 嚼。 蠟。 可。 醒三界之戀幻質 矣僧夢虎驚寤喜日 不。 知淡性者矣 匪夢幾 被虎食 既悔 日、 知 是夢 何 做

出 誠 其 世 心 不 所 何。 志 辦 作 静 事 ##0 過 被。 道、 幻 毋 虚 假 此。 坐 兼律兼 借 業、 默 循 虚妄形質 幻、 四大 如影 人命 以佛。 思、 將 只此 就 隨形從 所 無常 教 荷 祖。 が助顯 自。 成 ·所局虚妄形質生必有滅千 現 且 當擴 期、 心亦 塗 前 劫 心源但得悟心萬法何有萬法俱息萬法俱備矣 以四弘為券以六度萬行為家常茶飯以自 轍汰奢窒欲積行存誠惜福 一念見聞之性本 至劫不 無相、 其 眼 界勁 不 ·肯相離豪傑之士 過因於情塵妄 其神慮苦其 非 內外方隅亦 般保愛不能令其不 見生滅便頓捨情 身 一先須覷空 延壽 毋 墮 非 宴安 以 有 期 身形 無情量。 鴆 於 大成。 毒 坑 利。 塵 非 朽。 我、 爾 而 云

他。

的發一言不足自利

利他勿言也舉一步作一念不足自利

利

他、

勿

舉 也 勿 念 也。事 苟 益身心裨法化必黽 勉為之雖 劬勞困苦勿 恤 也。 雖

有浮名幻利弗屑也略

花 不 責 能 獨 人非 痛 念持戒禮懺篤信三寶之心生與同生 念 步趨先聖先賢不隨時流上下庶幾信心日固智慧日開 生死事大覷破一 切 世情若順若逆總虚妄不 死 與同 死。 實、 而 又專求 過 眼 便 是 過、

0 至誠 聽法 讀誦展卷如對活佛收卷如在目前千徧萬徧淪骨浹髓寤寐不 須觀心書寫須解義然解義正 不 必 強加 穿鑿亦 不徒循章摘 句。

但

死。

可永

脱。

耳

緣 所 人談 因 以放不下者祇不曾徹見生死之苦以從來為俗為僧皆向順境 既深一十二千七百無不一串穿卻也得此消息便知吾言不認 及 生 死、 鮮不悚慮往往不能真為生 死 者眼前活計 放 不下 然

過、 生 果 故。 從 畏三界心自然發得 何 來、 死 後當 至 一何趣 前際茫茫後際墨墨饒鐵 真。 切高 儻 以 遠 大 慧 眼 曠 觀 石心腸必 無 始 輪 迴、 為 痛 驚 念 此

昏。 後 或。 依 為。 正 Щ° 教、 味。 開 永歎也。 · 所牽或為 員 解、 起 圓 行敢 邪。 師。 偽法所誤袈裟下失卻人身此 保 十人 有 五 雙到 家。 最懼。 因。 地。 子。 不。 真道。 所。 俯。 眼。

仰。

流。

而寤寐、

具參方志公 虚 名圖 體 尤 面、 博 須 具參方眼 知 半 見發 具參方眼還須不 無上大菩提心徧學一 一忘參方志 切 法 門無 方志 厭 無 者。 足。

方 眼 相 應大菩 者。 末 世 提 師 相 匠、 應 邪 服前 正難分今自卓立 活 計 不 相應者則為正反 不論宗教 但 此、 與 出 則 為 生 邪& 死 相 IE 則 應 依。 名 利 邪

則 吾 師 不善吾資 具 眼 不忘 但 隨緣 參方志 觸 者本 境 增長道心智 求 無 上菩 眼 提。 而 雖 己 邪 此 正 一分明 本分中最 不 妄 要緊 生 憎 愛。 其 善

0

超 餘 可 福 小小 叢 以麤 生 必 如 時時 成 脱 林 眼 粥 魔 目 疎 死 家伴侶縱 未 警 領 法 飯 明存 會 習 策 門、 先須 自 氣、 不 心未篤 心將定 萬 可 《專求》 福慧雙修 萬 以聰 不 宜沾 則 盤 己 明 星認得清楚明白 凑 過 看 泊、 染、 教 無責 經 亦 觀並進而我心未忘能所 必 不 人非! 不 墮 可 必 以意氣 口 厭 見賢 耳 惡 活 也多 然後 (思齊) 承 計、 當、 坐 禪 看 見 不 經 惡 必 可 內省、 墮 可、 以 情 石熾其為: 暗 坐 證 禪 法 深 法 夾 可、 營 消 坑、

羅。 年、 履 求 寶。 來 地具出世儀皆多劫善種無疑所宜慎思而密察也 世 作 燒 火僧 不 可 得。 而 也 聽 况聞。 經白鴿 正法乎寧國一 轉 身 為 戒 環 禪 老 師、 者、 聞 種 法 福 功德 五

+

魂 勝 無 如 侶、 此 生 人 平 生 幾 惡業無不隨身何不趁早放下幻夢塵勞勤修戒定智慧息 何、 少壯 忽老 老忽烏有且盛 年 夭 (横者 無數。 息 斷、 孤

心 達 本 源、 乃號 為 沙門不然堂堂僧相多劫勤修 而得之一旦藐視 失。

定 亦 之。 略上 慧 為 每 能 不 無上菩 耶 無。 見 人尤 憬哉。 彼於詩字得 中偷閒吟詩 提 而作種子且幼時詩字亦向不 少幻味未嘗於大 習字作品 種種清課豈不 乘定慧得 得 真法 能偷 味 中來、 味 閒 安 也。 玩 然縱 知 大 佛 乘、 法 不 息 漸 得 心 味、

0

發 用之佛法吾見散亂豔喜愚癡特迦大事已辦 心 於現 應 學二 身得 事。 受用 智慧二慈悲方便 耶嗟嗟人之精神用之詩字吾見右軍李杜 欲學智慧莫若讀誦 招數寶之誚 大 乘 方等 熏

0

典、

深

解

義

趣

隨

文人觀不墮

嚼

木之譏不

又數

近

明

師

良

友

引

定當 I作佛見僧俗造惡者勿生輕慢須憐憫愛念種 決 擇、 不 可 師 心自 欲 學慈悲方便須深信一 種善 切 衆 巧 生 而 皆 迴 護 有 接 佛

聞 之命 11-9 成。 都 修羅。 自 儻 解 恃 法界去菩薩道遠 己修 義、 慢 見不 愚 魯 者。 修 自觀 行 便 矣。 心 生 慢 忽 慢 口 説 自 持 人我 戒、 慢 破 Ш 高 戒 勝負 者 自 情 讀 重 誦 畢 大 生。 乘、 勤。 慢

C 0 境當 佛 界之中 法 前庶幾 之衰 也。 無 生遠 名利 非 牢 熏心簧鼓 離 獄。 之心故佛稱 暫 時 快 為事。 樂終 八苦為 求一 歸 無常 真 (操實 衆生 師。 非虚語 _燕雀處堂| (履者殆) 世命 不 罕 可 略下 得。 思 出 有 能 持

戒

高 緣、 精 非 進 邪。 見益甚。 持 讀 戒 誦 讀 大 乘 誦、 略下 何處 不 馳 得有道 世 路縱道 眼今講家多 眼 未開、 亦三 忽律行禪門并 世 諸 佛 所 歎許 廢教典 世8 况 門庭 T 必 愈。

被 時 難 有才 流籠罩者堪立千古品格品立則志成志成才得其所用矣末世 難 有志。 不 難 有 志、 難有 品。 不 難 有品難 有 眼() 惟 具 超 方 眼

0 吾勸 身相 娑婆苦深求出離當知彼是真愚癡此乃大智慧好惡易分莫自昧也 也 切 競 極 聰明人反被聰明誤所以不能念佛求生西方而愚人女子反肯 法。 哉。 知佛見無他衆生 逐 六塵緣 汝咬釘 俾盡 莫大於 枝葉罕達本 萬。 ·年活計縈懷眼下虚名惑志吾恐天真日滴負美才好志不 人去但得見彌陀何愁不開悟此千古定案汝不須疑 淨虚融無塵影 嚼鐵信得西方及切切發願持戒修福以資助之無禪有 影 現前 為自心相身心二妄既消 源 一念誠能直 現前一念心性而已現前一念心性本不在內外 誰 知 姤 朝 習 華易落松柏難 下 可得還淳復素道 觀察、 知其無性。 不真 彫才志之士奈何甘捨大從 何待然後 風 則 豎窮 决不 横 妄 以 認 徧 此 矣但一念 真 四 大為 解、

0

佛

歷

自

别 不 便 驀 成 起 墮 非 地信。於謂更以異方便助顯第一 疑情、 衆 四 句、 生 世 一知見若! 更不 則衆 所 攝、 必錯下承當只深心持戒念佛 生 非 (仔細觀) 知見當體 四 句 可得。 此衆生 元 只不肯諦 即 ·知見仍不: 佛 知 佛見矣儻 審諦觀妄認 義也。 在 略中 果持得清淨念得 內 偈 不能 外 二六塵 中 一衆生. 直 間 下信人亦可 諸 緣 知 處 影 見佛 為 不 親 屬 自 切 知

尅除 乘之本立矣然後以實相印之法法皆歸佛道古有行之常 習 ī 氣 莫若 三業行慈三業行慈則無十 過。 過 既 除十善 不 -輕菩薩 斯 在、 而 是

如

水

結

冰冰還泮戒力春風佛日暉黄

河坼聲震兩岸切莫癡狂向外

自

世

必

徹

依然擔板漢

也。 初隨 不然學問愈多我慢愈熾習氣愈長去道愈遠惟益多聞增長我見可 喜品便淨六根何俟誦説方名深觀 果能 以慈修 業自能 善 佛

障

小不能

忍大謀斯亂。

所招 世 局

土

崩

懼。 也多

學道 世 情。 作事不 淡一分佛法自有一分得力。娑婆活計輕一分生西方 難 伶 難敏達難於深忍研義 於慎重發心 難 不難 勇鋭難 領解難 於 堅久涉 於精 確 世 略下 便有。 難 矯 俗難 一分 於

當 此 事 頭 低、 祇 問心不必問 頭 必昂雖 巧識 知識也知識亦勸 強捻不得 腰纏十萬貫騎鶴 淡世情 輕 活計專修 揚 州漢 出 要 武 耳&

能 扭作 一 句。 况 下者 乎

世 後 地。 出 以 之自 物。 世 皆。 事 论成、 莫 歸。 不 則 我。 春。 成 為 淨滿 於慈忍敗於忿躁 風。 和氣之中情養 自尊。 况今刀兵劫濁不過積恚 以之成 物 乖 故 戾 妖 。 君 則 子以 為 、摩皆消 慈 力 慈 育 悲仰6 於。 德、 儻 光。 以 忍養情 天化 念瞋起 德育

0

一 惜。

拘 惟 前 達 局 口 戀。 面、 與 然後觀 學 學 直 一觀眼前 道 好 須 不 明塵 同 同 體 學 刹 劫 好 積 遠 迷、 那 祇 猷。 興 性 得 無緣 非生 塵 世 劫遠 間 滅、 弘 虚 **警**苟不足自利利他者 猷 名、 無 、去來了 學 不 道 離 貴 眼 前、 得 不 可得、 出 而 戀 世 安 卻 實 有 益 眼 舉。 前 身 學 世趨之弗 世 頓 好 自 昧 塵 他 顧

遠

慮

所

致。

生

斯

世

宜

何

如

努

力

以

障

狂

眼

口

可。 意 慮 宜 隊。 道人 勿 之人人骨宜 果能 抑 遠、 衣 思宜 鬱 檀施十二時恆簡點身口意業善多耶惡多耶無記多耶堪消 取 失措。 自 蔽 近。 利 形莫貪 剛氣 利。 事上 作 他世共非之弗敢怨是謂學道 福 宜虔、 莫 宜柔。 齊 整、 如 接下 食 惜 志宜大膽宜 福、 取 克 悔 宜謙處同輩 餒 過 莫如寡 莫嗜美 小心宜虚言宜實慧宜增 過 味 宜 嘗省 應念 退讓得意勿 亦 真學好者 此。 身 世苦 Щ° 前。 恣意 空、 生。 矣。 作。 切 奢侈、 何。 莫 福 宜 功。 隨

四。

流

堪。 耶 如 此 矣。 慚 愧覺悟修省自 然 習 氣 漸消、 智 光 漸 露。 祖 意 佛意 顯

於 略上 嗟 嗟。 念 清 淨 心 中

不 達 僅 如 成 甚。 來說 不與菩提大心相應云代佛揚化吾不信也不與為 提心尤不信也勝負情見不忘僅成 學人益盛正法益衰 一塗魔 法旨 趣、 羅 種子隨 不 · 知種 其所見 種 吾 四悉 所。 以每 因緣僅 所聞 而 念及未嘗不夢寐痛哭者也 阿修 成 起 ○法執不能 凡 外 羅 戲論窠 法 界名 捨 窟。 棄 利 學 名言 眷 間。 屬 意

義 具、 古、 則 猶 便 不 無 堪 品品 有。 被 品格 證 眼 格 也。有 前 沙門果發 活 有 識量 計 識 所 量 無品 局、 無 而文字記問 礙辯。 時 流 格、 况 習 不 本 氣 足 不與焉。 解 所 砥 文義者 遷。 柱 中 縱 有 鈍 流 哉。 品 猶 格 般 無 呼、 陀、 識 無 法。 識 量 而 門之衰至今 拂 世 量 品 塵 不 足 除 格 曠 識 垢 超 兀 量 字 既

宜。 不忍言矣剝 何如動 心忍性以無負己靈 必復否必泰若 要梅花香撲鼻還他徹骨一番寒豪傑

薙 災 持 法 度徒衆環 法 殺青 門為 之衰、 而已故下手時便從世諦流布中著眼便向門庭施設處安排。 志 已非一 無 里市 及察其所謂扶持者不過曰開叢林建 虚 日。 日。 而處、 嗣子皆才華名世美丰常座下戒子鉢杖圍繞數 而致衰之故由 如錯星乃至 至紫綬金魚乘高 因地不真今人發心參學 **梵刹攢指** 車 肥 馬、 往 罔 來 五 Щ 不 林 + 以

間、

匝。

扶

絡 壽 而 佛。 繹 者 祖。 福 不 真命脈遂為此等人埋没殆盡五霸者三王之罪人諒哉 之本 絶 也。 福者慧之基也念念思警策者慧之萌而福與壽之源

故

日常

想病時則塵心漸滅常想死時則道念自生夫病

死

正 現前

時、

何

相可恃五欲可貪有何名可戀古董之可攜。不恃我相我見伏矣。

越 不 分 貪 以求之縱先有者亦 五 欲、 煩 《惱降矣》 不戀虚名體 可捨之以作福矣苟能 面 可 放 下 矣。 知 離 古 董 我 之不 我 所 可攜 見 執 煩 去、 惱、 則 則。

壽 視。 來。 佛。 緇。 不 不積、 永某舌當墮落儻 者。 素。 靈蠢無一 無弗為也凡 非未來佛既 至百年 可。 不能一 以損惱忤觸未來佛者無弗止 切時念未來佛則不 所 見無非未來佛則 木同腐而已 能一 凡。 也 可。 切時積 如 以供養恭 此 而 集 福 福 敬。 不 增、

福 慧 雖僥倖活 亦 終與草

傷 略上 下 貪。 世。 間文字詩詞而礙正法勿逐慳貪嫉妒我慢鄙覆習氣

@ 慢。 內 心痛自改革 . 見 有[。] 我、 則我無能外不見有人則人無過一 味癡呆深自.

22

捨 如 又座至 祖 下問 界如 微 此 細 知 化以列 不祖 不遵戒而為人授3、所倣傚者、無4、所倣傚者、無4、1、則以一4 識、 戒住静則 遠 人條 亦甚衆多 公智者左谿永嘉荆 篾 則一 把 戒 刀 、從上 耕 所應景仰倣傚二者丁兹末世勢不獲 間 清地 火 祖 李 為 指 是 為 并 自 活 推 市 軽 諸 田亦為人授戒否。 恐拈提向上。 具與 選許從上諸祖是忠 理自活。 逮其匡徒 種、 領衆則墾 溪 大 梅永明高峯中峯楚 紹 **真**里不 **没有學**不 **是** 土 開 祖 香 應 以來 。若 有 田。 0 數 然 三類。 非好日 一、何 心出 行 不 作 非時食等諸 家之流 紹 祖位 者 石等是 0 嚴 若 已遵 淨 是行 為 脚 戒 毘 人真 何 也古今 不過、 仍自 佛 尼 實 其 芳水 弘 遺 至規登。 律 範 遵 命

乘急戒緩然亦護根本五戒斷無毀重之彈而決不敢自稱比丘輕視律 但捨 微 細 戒不捨重: 戒 及性戒 也復有逕投禪教者 此

授。

戒。

所

以唐宋

以來有禪講律

寺。

初

出家多

學

律、

律

有

得

則

以

律

名

無

故

晚

用藥

石

不

用粥飯

德 Щ

托

鉢

亦

因視

影

而

此。

等。

知識。

便。

得

則

?習講參禪!

若

輕律者定屬

邪見非宗匠也

必不

﹐得

嗟

學

敢

彌。

及。

比。

飯

無

0 當。 法格。 F:° 雜 今 法。 食、 敬 何 之僅。 脅 如。 耕 佛、待。 不著 種 稱剃 芸養答云我輩 以師禮。 已則授五戒法耳 席 髮居士何敢當比丘名問設有 四 一十餘年 非不為也實未能也又紫柏 猶 祇悟佛心堪傳祖意指示當機令識 以未能持微細戒終不 乎從上諸祖敬視律 如 大師 法 比 敢。 生平 為。 丘、 如此豈 人授 師 何 粥 沙。 心 視之答

單

向

一獨接

機如壽昌等人問壽昌佛制比丘不

得

掘

地損傷草

木、

性

耳

學。

但

愧。

未能以為慚德至出

世

接人或

重 登

戒品

性遮皆淨

如

祖等。

或

9 略吾今為諸昆仲徹底説破若真為

生死持戒持戒亦

必悟道。

真為

喻 劫。 中 有 禪 律 亦 然猶。 諸仁者出生死事大不容易某二十四歲出家真為生死大事真不著 亦 差、 師、 經、 必 命 受 悟 聽 天 頭。 説 戒。 道。 盡時何等迫切今人且歡呼茶飲曾不思百歲光陰尚存幾許。 未肯猛省發心此與燕雀處堂 出。 地 必皆墮三惡趣故智者大師云為 真 經 專修 **懸隔錯認定盤星醍醐成毒藥今受戒聽** 頭没枉受多少辛酸。 為 想 亦 做 生死、 必悟 法師、 心中 道。 法 亦悟道、 真為 聽經想做宗師參 未 知 生死參禪參禪 互 生死大苦火燒眉 即今幸得人身幸成僧相亦 相 助 成 主何異且如· 禪。 亦 利 想有權勢營福 悟 亦 名發菩提心是三 道。 必 悟 毛、 以因 道。 且 今夜臘月三十古 經參 [地真正故也若 圖 真 為生 眼 | 禅 營 | 下。 則受戒 一死營福、 經過。 殊 塗 不。 福 之士、 因。 聽 知。 無。 經 想 以 艱。 做

稱。 白 恐。 心為 欲 幸 牛 友 席蓋 愁。 適 超 於 脱 祖、 面 所 出 犯大安語誓不敢攝受徒衆登壇傳戒 意 爪上土失人身者 閩 生 死 皺、 逼、 英 向。 之南 誠不肯自 功用 見真不用一 脱 生 法門某自實未曾超生 生 死第一不得意見卜 死 死大事尚未了當言之可羞思之可痛 ·無愁說說 未純 適 法 燕之北。 頗 [欺自誤故也 知真 流布太早遂致三十年 點 氣魄真不 如大地 E 與。 路 路 無。 頭 愁總。 頭、 土。一口。 度第二不 故 脱 錯 為 今玄邃吳居士普為緇素特請 不。 愈 不 死、 妨 如何 趨 知。 些名 與諸 氣不 耳。 愈 來大為 諸 遠。 得。 可開 來便向 仁者 利。 氣。 此 邇來并誓不應叢 實言言 魄承當 示人然 者 只 還。 平實 因藏 虚名所誤 所以平生誓 驢。 知。 **| 既同在** 第。 身不 胎。 愁。 Щ° 商 淚、 三 大。 馬。 麼 量 直 密、 腹。 佛 字。 最 胡鑽亂 林請、 為 得。 初 生 至 於今 敢。 雜。 開 一二道 痛。 死 海 步 稱。 小% 示 · 髪 超

0 動。 相牽 一十生百劫得出頭來知是幾時况末世邪師說 人 火坑故永明大師云無禪有 淨 土萬 '修萬 法 如 恆

河

念無常信願念佛求生淨土此生不向今生度更向何生度此身珍重 箇錯 九錯路我憨翁 在此皆深慈大悲真語實語伏願諸仁者莫墮狂 大師 又云今時若有禪無淨 奚 止 人去 十人九錯、 野 覆 有 轍、 禪 敢 無 保 淨 痛。

偶錄

乘緩 緩而且廢乘雖名急而實緩甚非古人料揀之心也 發慧急戒 |或日古人取乘急戒緩何居答日緩之云非無也且豪傑之士與 戒墮惡道而方昇。 即急乘之階梯若藉經教為 何 如 乘戒俱急常 名利 近 本托話 佛 加 無 退 頭為優免牌戒不 又因戒 生定、 因定 、 其 急

屑 答 居 tto 徑 嗚 山、 乎。 始 受 儱 侗 食 瞞 法。 肝、 病 有樿者日定共 通 斯 世: 解文識義能復幾人若在 、戒道 世 戒 是 務 充 兹 在 所緩應云定 所 緩

0

院 參 眩 因 色俳 不 地 為 志 不 為宗 演、 尼矣佛法博虚名玷 颵 真 果招紆曲 施、 承 師矣。 迎 無用經懺俗儒 趨走 不 也雖然 為。 何謂 律。 也方受戒志為 師。 以世 不為 法師宗師無所用其受戒聽教參 正教矣 法 作宦無用舉業娼優隸卒 圖 利事雖卑無大過也讀書 律 師矣方 聽經志: 為 不 為 禪。 法 規富 世 利、 師 矣。 猶 無 貴、 應 方 用

Q

奪。

戒道奪戒共之一字云何

通。

難 經、 與俗 和 龍 尚 做 居。 有 成。 老 僧 謂 看 **寶積** 成。 和尚法故謂無所取於為和尚故噫、 經 云若 先 看 此經、 和 尚 做 不 成。 予 可為 若 知者 不 看

道、

此

得

罪宣

污

去也。 花 一今龍影尚無睛 拈 於 藏 既 説 記之後達 何處。 點。 磨 來自 佛 法盛行之時龍 畫 就、 點 睛 則

@ 惟。 至 百 子 同 恐。 年。 遊 活。 歷 計生死 諸 語 勤。 持 山備 也、 謂。 誦 覽 出某經論則棄 根。 禮 本。 人情 拜 也、 勝業也惟恐不惰 常。 物態、 虞缺略為佛法慢幢高 顛 倒 如怨敵謂出某語錄 最多猝難 |聚淨戒出 悉 舉 起求貨 且 則。 Щ° 如。 愛如珍寶世緣 飲食 正° 利、 因。 也深 體。 衣。 服塵。 面。 頓。 厭。 煩。 忘

乃

佛。 利 法。 關 鳴。 不 破、 得 ·失驚之名關不破毀譽動之既為得失毀譽所轉猶

0

事、

與。

道。

無。

妨。

律檢教門有違向

上嘻吾不知其所趣矣

或 問 見 汝 短 愚也 何 願。 見而護愚之愚也不見人長惡也見而掩惡之惡也 願 生西方更何願 願人地獄日是何心哉日西方則

佛。 云真 地 人前説 獄 則 下度衆 不得假今也假人前說不得真。 生% 佛 從 彌 陀 始、 願 王 勝 故。 生 從 地 獄始悲心切故

0

Q 古 人 自 人自 視 牧愈 愈 大道 ^泡卑品愈高· 愈小古人自考愈歉德愈完今人自恃愈完德 今人自視愈高品愈 學古人自: 處 愈 小 愈 道 愈 是 今

小 之九為名者十之一為己生死發二乘心者百千中一為大地衆生發 度 所 躬 不 揣 應 感、 而 非關 何 斷己分事故衆生修 責 其 以己之 己夫不是 分 本、 他 而 正 事 齊 像。 過 放惡境紛紛皆唯識 謂 其 正像 為 人之過 人過謂己過有 末 之分全在人耳嗚呼時 悪即是性惡衆生 每 怨 天 四觀焉 而 光人君! 所現、 虚幻不 眼見惡色耳 1 性 子以 末 惡 實故。 人之 季、 即 去 已 性 衆 聞 過 聖時 惡聲等皆点 為己 惡 生 故。 煩惱 遙。 之過、 為 法 利。 性 無 自 應

|心者萬萬中。||此止就禪和料簡耳應院及俗人又不必言矣佛法 耶%

安特

戒。 法 五 門有七壞相六興相何謂七壞相一懼命夭知命 避 好名故 難 無聊激 聽經六藏拙故參禪七好名故參 氣求安樂故自出家三求清高 故自出家 禪 七 孤以 種 一雖高 四 家貧故令出 低 以好名故 不等優

菩 故 參禪。 提 故 出家三為修行基本故受戒。 為得種 智故參禪六種 雖 大小 四 為 不等偏 修行 門路 圓有 故聽經 殊 同 為。 五 為 因。 地。 了 生 死

判

然。

同

為。

因。

[地不真壞法門一也何謂六興相一為

生

死故

出

為

興正法 於邪或因地未真則痛自改悔 也噫凡吾同 類尚自考之儻 速反真而 因地 無溺 真幸善自保持俾終 於偽庶幾 自 救、 正 救 而

能。

法

1

其心念無錯亂謂依四念處行道也四念處慧佛法總關無念處慧著袈。 五 以 前、 專精 戒律專精者豈徒著 衣持鉢 而己拿 律 中第一 要務在常

處行 裟 如 道、 木 頭幡禮拜 迎 則 持 戒 功德現能獲 如 確上下六度萬行皆同外道苦行無與真修若依 四 沙 門果乃至圓 + 地 · 剋獲無難 第二要

明二百五十戒開遮持犯之致否則二六時既掛比丘名當結無量

前疫特 30

在"

洞。

罪言之駭聞思之喪膽

略下

佛見 圓 教 必先苦勞拂亂令動心忍性頑鐵不鍊不成鋼美玉不治不精瑩松柏 劍鋒上行非冰 從 名字 初 心 便 凌劍鋒不能鑄無明煩惱成菩提般若故 用 佛 知 佛見修行豪傑丈夫具一 切。 無。 明。 也。 煩。 惱、 天

降

大

偏。 向。

佛和

金剛 任歌 0 准。 不 此。 歷 道者夫小小 歲 寒 不 挺秀孤臣孽 境緣便成事障 子 不 厲 熏不 因 平 達豈有粥飯習氣煖輭形態 日 無 分毫 契心恰意 處

耳

果達。

遺私任忠 科王一公 躬行處較勘轉得此關棙子方是大乘淨土因也 修 理、 可。悟 則。 現。 可頓耶兄平日學問大率向語言文字上著眼。 前。 極惡逆事第一玄妙為第一 明。 師良友若捨此等境界何 不向義 理 一體會 法。

成我執作 法執弘 如末正法 毫 不 破定不能弘如來正法才魄横一 傑立身決以破我法二執為準的我執不破定不能作千古 八己靈。 否則僅同春草之榮終非松柏之幹 世者須開千古眼界成千古學識方 至人法執

移破

不

0 興 法 門不 隆 幻事皆屬普賢行門稍涉世間名利心佛法止成世法深可悲也 衰於無外護衰於無內守主持法門先盤星立正然後隨時隨力

0 新徹因比丘者 百望公甚高勿自卑甚遠勿自近甚廣勿自狹甚大勿自小甚已下二書皆囑 百望公甚高勿自卑甚遠勿自近甚廣勿自狹甚大勿自小甚

萬 等 小。 密 心觀 莫 窮 聖 授傳法師皆有父子之誼 勿 作趨時學問第 染名利謂之尊 自褻甚重勿自輕甚穩勿自 德鮮克砥其頹波勉之哉 理盡 賢 妄。 小 一門詳 自期謂之高 為主看教為助第二須專求 乘 想。 性謂之微開佛 出。 經、 頭。 然後及餘 解、 次律藏 惟 真。 操實履 四須 不輕去就謂之重 無數塵劫謂之遠 經論 五 一百卷 和 知見謂之妙嗚 了。 光同塵幸勿 或 當。 が大け 急 第一須依念處行道隨 浮る 於 乘律 死命 修 己 甚 過勿責 始終一致謂之穩精察 密、 證、 徧 矜 呼律門衰敗大法並危 勿自 得 唯。 五 周 十卷、 ?刹海謂之廣超 律 異。 為 人非第 藏。 疎 也傷 改 欲看 甚 次 不。 微、 止呕 法 叩。 一觀輔 理背情 教典且完玄籤 名。 勿 文人觀 一須作 自 閲、 剃 薩 餘。 硒。 行、 度 五 行 次阿 皆。 出 越 無道之甚。 甚 師 小謂 隨。 生 妙、 觸 不 與 事 具。 謂 受 死 前。 自 之 之

0

教

改法名是蔑剃

度師

重、 後 權 受 必 來 以 戒 知 正。 戒 須 者 識 如 法 在 不 訓。 達 為 後 聞 大 坐。 不。 輕。 有 法派 周、 師 不 叔 必有壞法之咎切忌餽送白 家 伯 聞 之説 弟 風。 先 若 姪、 取 儼 名 奈 不能寧死 者 然 何 與 為 末 俗 師 世 不。 無 兄、 以 出。 異。 後 此 為 頭。 取 可 親。 羞。 名 不 吾 得 可。 者 等 事。 多 恥、 聞 為 收 先 所。 師 徒衆多畜 宜。 第 受 痛。 戒 既 戒。 者 以 法 在 不

到 近 時 人家 叢 枚舉總以律為指歸則無過矣不聽吾言非吾弟 念 林套子亡比丘物依律分 經 拜 懺 漸 成 應 赴。 即檀 與 越 現 到 前 Ш 僧、 門作 切 不 福、 口 須 學 示 估 以佛 唱 陋 法 習。 尊 「其餘 重、 莫 如

世

能

受

依

教

衣

切忌無恥

喪

沙

得

派

前

0 真 實。 克荷之勿為最後斷佛種人使我抱憾千秋 此、 肝。 比丘寥寥無幾 腸寸裂所有 不。絶 不 知。 如。線。 何。日。 五。 脈僅。 比。丘。 寄。 如。 法同住一 足。 下。 萬萬 至屬至屬遠隔 展。 珍重愛護養 吾。 三千里大 初。 (德·充· 圃

0 a 審 略上 皆賴有病境耳願寬心耐意安忍無厭作隨緣消舊業想轉重令輕受 代衆生受苦想正不以不如 病 作 是吾輩良藥消 何用心苟不能念念與妙觀相應則失聞熏琢磨之益多矣。 盡塵寰妄想覷破此身虚幻深明苦空無常無 人為 愧 世

勿 行 口 使 病易治心病難遣古云克己須從性偏難克處克將去慈雲大師 動人念 人各有 法 頭者 無始 唐喪 最能 其 惡習速求捨離當自觀察何習偏重訶棄 (功夫惡) 折 福 損壽 習豊 世。 惟殺盗媱妄 而已二六時中 調 ·四威 停 取 **\$** 儀

0

顛

沛。

患。

難

是。 煅。

煉。

佛。

祖英靈漢

大爐鞴

能

受。

煅。

煉、

便。

如。

松。

柏。

逾。

則。

如。

夏。

草。

花、

甫遇

風。

霜、

頹。

靡。

無。 似。

矣。

夫

松

柏

花

稟

質

同、

草、

不

強

也現前

一念靈明心性豈有

定質只貴當念自立將身心

36

我

之榜樣 之具 祖。 險 眼。 天。 法、 氣 略上 哉。 静。 除 縱 覷。 爵。 大 静閑坐燒香 身心 習氣。 丈。 不得、 破、 以。 佛 大光出家 平。日。 也 邀。 祖。 不除學問 人爵終必亡而 而。 世 口。 業運臨 牙情 晏安粥飯 如。 此。 不。 悠悠而 見放 拌。 吸茗而披閲之此 頭、 何。 何處。 益 習氣一力。 不 下、 生。 得善財常啼 不 保得晏安 能 埋。 而。 親 身。 頭。 徹。 明 心。 放。 措大學問 底、 師 世。 下。 良友受要 輒。 粥。 界。 真。 便 向。 希。 飯。 未。 嘗。 如。 刀。 尚 惡 意。 極。 不。 Щ° 是。 辣 劍。 拙。 不 千 空。 人。矣、 鉗 經萬論皆磨確 樹。 可 華。 年後弘教揚宗 為 錘。 遊。 徒 縱 何。 世 戲。 人曼安 覓 幾 。 為。 間 出。 華。 聖 没、 有。 賢、 部。 粥 嚴。

般。

修

况。

佛。

習

飯

何

艱。

好。

佛。

(1)

皆 有 檢 昏 能 因、 通。 至 於常食養 迷 台宗 飲 依 正 辨 失智慧種食衆 斷。 食 飲食 大道出生死 欲 云。午 其 申 然 乃 斷。 利 齋 設 生 而 法之要 身有 生死緣經云一 益。 前 死 得 得 益論 今原 進 時 第 存 食、 法之要津 食 活、 何 以軌 增 所謂 表 尚 如 過 生 内斷 來立 咎。 方 作 上 便道、 緣 行人。 曠 段食觸食思食識食 而 客 也多 切衆 也均 制 非 大慈悲是以 問 野 時食戒 愚夫 時 本意盡善盡美何能 杜 猶 食 多 ·哉問也夫齋法是十方三世 似 為 生 子 皆 子日。 逐逐口腹甘為飲食之人既畏 有 肉 五 如此嚴 因 法 想、 欲 [吾聞殺 所攝。 媱 如 可 何 來制戒 得 欲 容 過中 恣 特 由 而 耶。 盗 資 意 此 正 願 性命 觀之媱 七衆 盛安 此 殫 聞 不食表 於 述略 毒 其 非 身、 時 又云三界衆 同 名 除 借 而 遵。 為 耶魯 欲 諸。 舉之大 固 中 杜 性 之 固 佛弟。 修 生 多 無 罪、 表 道 惑 中。 道 死 此 飲 爲 生 更 酒

小

病

脾

主信數數

食、

最

能

傷脾故玄

門

以

戒

晚

食

為

養

生

善術、

豊

名

忍

7

助

火

助

氣、

增

長

媱

心今寂

爾清淨、

戒

體

堅牢六堪能修定斷

其

雜

食

亂

想、

يخز

身

心

輕

利、

取

定

不

難。

七出生智慧晚餐

助

香蓋·

今清

淨

惺寂

不

·障觀

又

+

午

後

惟

晏

坐修道、

能令僧俗皆安十不擾行人今時叢林晚餐

廚

人惟

39

長

乞食

者、

設

午後

更 復

持鉢、

則

終

日

但

見

沙

門

往

還、

必令施

主

生

惱

九

食。

持

齋

法、

鬼

畜

無異牽人

其

類。

持此齋法遠離二

趣

生

緣。

不惱檀

於

四

種

食、

如

法

作

厭

離想、

即

能

斷三界惑八離鬼畜業畜

生

午後

食、

鬼

夜

五 飲

食

之人

則

人

賤

之今恪守齋法

專精

辦

道道道

業自

隆。

五

堅。

一固戒品。

晚

食

餓%

道。

業。

尊崇趙

州云二時

粥

飯是雜

用

心處二

時

雜

况

四

耶。

儒

Ξ

之

及:

即

同

外

道

日

啖

麻

麥

之太

過。

行

不

適

妙

理

何

由

契

會

中、

無

所

需。

此

之

理

全

托

事

境。

儻麤戒

尚

不

自

非

同

俗

人

夜

猶

飲

食

放

縱

持、

觀、

漿 因。 緣。 出。 炊 世必立。 七日藥 聚終身碌碌不 况沙彌比丘可無慚無愧非時受食耶設有病苦因緣佛自立 此制 以濟之斷無以晚食為藥石之理也願高明者深信而力行之。 乃至在家居士猶令於月六齋日受八關齋法 ·異傭 10 一齋法若 明則 無 此 煩擾共修道 以。 是 種。 以諸。 非

緣起

退 棲、 亦 念 生 戒 坐 遷 緣 禪 安 死 雙徑、 養。 事 起 大父未 憨山 并 訪 囑 大師遠遊曹 語 友天台念念趨 葬 母不養決志出家時紫柏尊者已寂 某生 一於萬 [溪力] 向宗 不 曆己亥二十四歲 乘教 能 往。 其 律 咸 餘 在 知 所 識 緩。 非 戌 後 子 買 為 因 所 幾 中。 天啟 好 番 乃 棲老 作 二年、 逼 拶、 務

至

I

夫將得力時必被障緣侵擾因

思佛

滅

度後

以戒為

師。

然竟不

知受

(

戒

如

法

不

如法事彼學戒法固必

無此理

但

見聞諸律堂

亦

並

無

處

如

法

是夏為二三友盡力講究不意或尋枝逐葉不知綱愛或東扯

春、 趨 戒 伊 歸 谷 戊 壽 + 就 五 事 法 惺谷三月盡惺谷同如是昉公從金陵囘 辰 雲苦 籌 公至 春、 古 五 主 何 歲 吳、 師 雪 為 為 |関律藏| 航檝公留住龍居 癸亥臘月初八也甲 到 羯磨闍棃覺源法主為教授闍棃受比丘戒予三 結 博 如 | 懇古 制龍居更閱律一 山薙髮無異禪師 法、 何 德法 四旬餘錄出 為 不 如法· 師 為 再閱律藏 但 阿 編訂成 庚午 事義 子 闍棃、 以 見 而喜之即欲付梓 雲 臘月二十一 (要略一 向蓮 棲有 徧 學戒科遂 池 本。 正月初 始 和 至龍居請季 尚像前 成集 此後仍一心參究宗乘矣 重 到雲棲受菩薩 《要四本己 予 從 然臂香刺舌血 頂 日 天台躡 受 賢 未 閲 師 可 四分戒 the other 已春、 律、 冰 為 是冬同 始 戒。 冒 和 送 尚、 Z 知 致 惺 此 新

西拽、

所 絶 壇持大悲 解 留 夏後 心或頗欲留心身嬰 結 咒十萬加被之然已發念退休越 壇持大悲咒 惺 重 恙聽一 谷 以 此書呈金臺法主 不 及半其餘緣衆 年癸酉安居 無足責 隨 付梓 作 者 次年 曧 失 供

難 佛 付 久 住。 唐 像前然香十炷 深 自 慶 予又病苦 快。 願永作外護奉 日增 夏持 死 心。 將 咒加被 自 恐 事如 不 混 久。 追 迹 法 故 恣 思 比 鄉、 出 Fig. 日 家 虚 更然頂香六炷拈 生 初 孰 意末運 浪 志 分毫 死。 故 决 決難 未 志 酬、 行 挽 得 數 菩 年 遁 回、 苦 薩 畢 IF. 法 此 沙

師 呼。 佛 以 喪撫躬自責哀哉痛 _ 法 義 書集 能砥。 下 ___ 衰 要全 在瀾 法咸符聖教蓋 斯 時 帙、 於萬。 為 謹 盛。 付 毗 徹 僅。 尼 不 成。 因 此。 海 惟律部精髓亦禪教綱維 脈 比 書、 不 丘。 并。 絶 法主指示令 問辯 如 絲 音。 教 示令來學者 i義 各 道 0 為新伊 禪宗 二。卷。 奶 尤 涕 為 由 斯 泣 文 混 户 屬高 而 字 囑 口 子 升 數。 图 堂 亦 敢 殘 決

缺非難才 短松学問 智慧之海 福 相来的

退 但 室 心 念公之從 貫 源委且 縱 執 未頓 斯 温戸 鏡 予遊 改舊觀番番 可 相 照膽辨 者五夏有一 未純智慧力薄缺 邪惜公根 10 略有 = 進益有人如法受具未肯細 事 性稍鈍 足取 於辯才短於 **心焉幾番** 僅 知 惡辣鉗 開遮持犯條 學問豈 錘、 難 能 心 堪 即 目、 行持、 難 弘 忍絶 達 傳 斯 惟

學

公

修 濟 聽 萬 戒 於 集 要後、 勿。 乘 顛 輕。 俱 沛 急 舉妄動貽羞法門儻煩惱 中、 輕 虚其心實其志擴其 毫 重諸戒悉思躬行 毛無二心充: 此三善之致何 子癸 、眼界、 未伏慧眼 西 牢 甲 必不 ·戌匍匐苦患公獨 其 脚 未開辯才未具學 跟。 可 荷 盡在。 擔 一我修持任外 正 法。 盡 但 須 心 問 竭 解 未 緣。 行 力 自。 相

以 寧供塔廟尊像中慎莫授非人也天定能勝人人定亦能勝天予運 律 藏 為 法身父母臨深 履薄、 守 兹 一脈儻遇英哲當 |殷重 付 囑 之。 無

縱。

福運須力卻之况作意邀求耶苦身形堅願力。

依念處而

精

進

數。 可。 此。 稱。 思。 人定乎始終不忘吾囑 此。 思發無數弘願 願。 此。 心此。 力量遂 用無數心力、 唐捐公若善繼 千里同風。 不能使五比丘如法同住 否則塵劫永隔矣勉哉 吾志敬守之以 、埃後賢 此 天定也 庶幾。

序

歲 法 餘 次 戌 重 一治 年、 夏、 紙。 五 ·受菩薩戒於和尚塔前二十七 月七 |梓於皐亭之佛日寺是冬在靈峯僅講七卷次夏方續完聽 為壽昉檝 毗尼事義集要自序 次 夏第二 日薙 一関律 三友 髮出家是為二十 **昉師雪航檝師** 惺谷壽師如是 錄成四册次冬第三閱律成 予 細 講 生於萬 四歲次臘受具戒 成春閲律 遍。 曆己亥五月初 添 初 後二 一徧、 公分册計-錄 集、 於雲棲 共 出 八删 事 三日亥 十八卷三十二 義 和 要略 次 尚 像前 時。 者 年、 僅 至 金 餘 百 又

留 Ŧī. 心 惟 人惟 者 徹 惟 因 自 徹 比 因自 觀 丘能力行之次夏在金庭 僧聚二比 觀 及緣 幻大德耳次冬在 丘 能力行之三十八歲 西小湖寺徹講一 吳門幻住 入九 華。 菴、 編 又講 四 聽 歲 者 人閩。 過。 九 聽 能 四

辯 學 毗 切。 十 庶 音 律 四 鈍 義 之學真不啻滯貨矣五 歲 者 根 十餘 一書 至 者、 苕 亦不 人迫 城。 至今未梓不若 從 致望洋也 子 此。 十三四年 重 講。 因念向 十一歲冬從金陵歸 年。 會入集要而 無有問者徹因自 所輯雖諸! 重治之兼削一二繁蕪 長 並 I觀僧 採、 卧 靈峯 猶 未 聚。 次 三人又皆物 夏、 乃有 折 以歸 衷 發 又

問

心

故。

題 跋

刻 十二頭陀經跋

頭

陀

以抖擻塵勞為義具十二法迦葉尊者終身

0

諸 戒 奉 賢 為 達、 何 世 想 尊 事、 亦當 謂 矧 頭 正法住世全賴 陀法 爾為 重錄梓行伏願見聞隨喜者發增上心少多奉持 耶為 予 雖 根 此人迨兹末運妄 劣 僅 持 一二然一番。 以鬚 展讀 髮 當 之尚 輒。 番。 愧。 知 庶 感。 比 重。 例 丘

興。 法、 不可。 可。望。

四! 礙₺ 行跋 三昧念佛直指 主

> 佛 祖 聖賢未有不以逆境為大爐鞲 佛

腐 鐘 聖諦苦諦居初又稱八苦為八師苟 而 安 能 不 鳴、 如松柏之亭亭霜雪 刀 不磨 不 利。 豊 有 間 天 生 哉 彌 美玉 稍存喜順惡逆之情終與 勒自 不 然 琢 不成器 釋迦。 欲 頑金 為 聖 不 夏草 佛 煅 祖、 不 致 同

受惡罵 植 如 淨 **輒悔愠咨嗟吾恐三昧不成生西未保須於** 因 如飲甘露遇横逆如獲 方 如 蓮 出 淤 泥 超 登 至。 寶 退。 方名 儻 無 事 素 則 患 難 駕言念 行 此 乎 佛 患 大礙 求 難 生 方 淨 口 於 穢 自

0

驗、 滋 果於病時難時乃至被抑時唯增念佛心明苦空觀不尤不怨庶蓮萼。 稱三昧寶

誦 帚 師 往 生傳 師 諱 宏思一字如是晉 江溜澚人的 族 姓 陳髫 年 郡

開 緇 素 元寺禮湛然精舍肖滿全公為 交朝夕參究大事忘形破格風 成敬憚之年二十七忽發出世心盟月臺 師 雨寒暑弗替也時温 薙髮後喜詩文不理錢穀 心 默師 及惺谷 何 氣 居 節

聞 熏乏種 師 獨 與惺谷鼓舞數人謁博山無異禪師受具戒苦參無字

陵佛法

久

為

生

死

師 志遠大縱有省悟不自足亦不輕舉似人同輩視師若木訥師 著席者三年異師愍其勤恐致病説調琴喻勸之稍稍 長息終不. 固 是非 解

明 掩 踏 緇 源 最 了 天 疑 浴 冰 次 角 tho 畢 素 新 關 端 雪 虎 始 伊 欲 猶 師 計。 洞 之訓 坐 尋 惺 推 如 棄 生 逮 知 秦鏡 法 為 有 谷 敝 平 舉 子 子 先 遂 屣、 自 手 踐 九 師 師 如 神 為 臘。 矣 奉 約、 子 來 西 師 而 棄敝 離 甚約、 逝。 未 峯 正 逝。 阿 且 棲 安養期 博 戒 闍 博 頂 師 正念分 及 山、 未幾全公變 棃、 Щ 破 師 以 屣 全公年邁 受戒 載。 自 次 游 猶 衫 以萬 浙直、 天下也 補 明、 師 視 惺 飲然 谷 神 不如法遂捨前 履、 遂 善同歸 習教觀於幽 清 進 數 示 師 疾。 厥 惟 歸 比 + 氣 丘戒。 侍。 愀 年 定。 召 孫 明 迨 越 創 予 泣 師 然 如 惺谷雜草 日、 兼 助 挽 八 良 關 谿鑒末世暗證之失遵 某。非。 時 其 友 進 所 日。 巴 菩 念 是念 泉、 授 子 頂 社、 故。 佛、 薩 禮 接 嘗 寧 乃 訂 越 大 師 作。 尚 命 引 季 笑 戒 慳。 謂 煖。 侍 五 居 賢 以 予 態愧。 載、 結 受 續 師 托 者 之 惺 除 復 從 夏、 為 日 質 至 紫 聽 谷 蓮 和 舜 髮 逃 此 蕊 浴 尚 教 雲 江 温 視 作 益 永 棄 陵 律 無

害。 得 廢。 堪。 時。 此 月 夏。 花。 自 開 忽 誠 志 世高 師 假 受檀。 法。 焚 侍 度 有 在 猶 以 ·傳已得 之。 數 自。 憶 者 固 古 掩 如 吐。 劍。 嘗 錄 已 年、 關 其 霜。 有 風。 斬。 成 最 專 詠 取 近 八十人今當續稱第 修淨 中。 律 帙、 餘、 甘 菊 미 至 頭。 淡 絶 中 子 利 兀 於 薄 段[°] 香。 業又號藏六比丘 此偈出 戲 休 親 ___ 他 句云籬菊數莖隨 忍疲勞。 切有 信 偈 題 功 異 銘諸 為 巖、 部律本 此 未 師 友受惡 老 遠 可 及 説 窺 精 婆 半。 座右。 師 可 禪 追 勤 其 痛 未 八十一元 偈 哉 踪 辣 禪 概 嘗 更 一其道昉 矣。 上。下。 有 鉗 日名 與 斷 誦、 不 崖。 偈 士 錘、 夜 師 與 夫 惜 譽。 頌 自 無 鄉 如 寐 心整理任他黄 及。 利[。] 詩 往 謂 紳 乎 飲 夙 諱、 復、 神 賢 詠 生 甘 興。 達 養、 則 數 必 年 露。 雖 根 交、 愚。 異 隨 僅 於 劇 稍 + 首、 其 古 病 師 鈍、 而 五 所愛樂 所命 未 病 + 臨 晚 心 中、 後 戒 危、 稱 固 渴、 示 也 先。 臘 亦 誦 覷 疾 飲 亦 按 能 前 甫 帚 以 不 破 道 懈 如

祭 溇 勢 宿 事 者 而 顓 權 能 膏。 略 如 意。 令生 世 翁、 狗。 愚 位 擬。 無 縱 如翁破衫草履茅 脂。 違 相 而 而 鷩 馬· 依 生 旭 甘 有 師 倚。 平 淡。 尚 說。 過 爪 薄受枯 蒙蒙 質 髮 最 如 如 翁。 翁。 樸 愛 衣 傾 知 心處請 平。 古。 愛、 訓。 鉢 且 道自 又志 實。 寂、 虚。 塔 知 (穩當者 不肯受叢席桎梏而 文、 者、 愛者 操 略 不。 而 紀之當今 肯 荷。 相合 志 有幾當 有幾當今知識 操 嗚 合時 如 相 呼。 攜。 此、 知識 其能 商 某 今知識罕 註 難 雖 掣。 罕不 經論 已 不 相 於懷 其。 愛、 罕 敢 羈。 難 不 讚。 不 以 擬 也命翁 察。 侈 以掠 名 戒。 翁 於 嗚 服 相 律、 泰 相 飾、 虚 牽、 所 呼。 Ш 知。 伎 之德、 利 證 翁 據 以 深 法 懸。 華 真 倆、 相 前 堂 籠 餌、 淺、 門 知 恣 列

權 子 道 枉 之 後 聽 風 方 隨。 必 尋 塗 直 者、 便 且 如 一尺詭 行 説 慈 翁。 頑。 躬自。 劫。 夫。 悲 入 廉。 尤 耳 順 遇 作役、 出 而。 俗 而 效之何 不。 朝 如翁。 П 「之夫再壊」 者身雖 不圖。 濫、 儒夫立而不 不肯。 所 安享者有幾當 荷。 不 存名已先淪 至 殉諸 於 翁 色 傾伯 之爪 厲 方甘受擔板之誚 內 也哉某 夷之隘 今 在 髮 衣鉢 羊 知識 質 幸 罕 虎 每 所。 存、 以。 皮 悲 不 之徒。 為 聖 則 者。 同五 如 翁 來 有。 流 一之 清· 其父 合 之道 幾 正 法、 故 污、 113 自 報 風 凡 豊 壞 聞 謂 讎、

似

翁

於

鋊

必

有。

聞。

而。

興起者庶共砥

狂瀾於末葉乎

滅。

其

德 日 廣 林 大以切磋之誼 座 右 銘 以 冰霜 取友則學問日精 之操自勵 則品 以慎重之行利 日 清 高。 以穹窿 生 一則道 之量 風 容 日 遠。 則 故 德

淨 忠以行己恕以及物 社 銘 持戒為本淨土為歸觀心為要善友為依 又日修其天爵而人爵從之

同 四 無量心銘 觀、 亙古無間法界偕遊 三喜四捨 花 視人之善猶己之善視己之善猶人之善念念 四德城方滿最初宏誓願 視 人之惡猶己

歸 之惡視己之惡猶人之惡猛省力除無令愧怍法界衆生三毒除彼 無上覺。 視 人之樂猶己之樂視己之樂猶人之樂所欲 與共嫉 我 妒 口

何 永 怒、 卻。 如空御風默持機感妙應無窮大圓鏡智照不疲豈似權乘作意通 法界同欣法喜充不向偏空尋略行 拾 善 惡性具善惡性空 何喜

妙 銛君子自返慧日普瞻 嚴 室 銘 忘麤斯妙不飾斯嚴慎爾幽獨自牧以謙干將匪利口

誠

四念慶野 一身念溪 0 恩愛迷情四大緣生妄有身膿血交相潤臭穢常無盡饒你會莊,我以冷、 丙 寅 季 夏先慈捐世賦四念處以寫哀

一觀心無常四觀法無一觀身不淨二觀受是

無我是苦

矜畫

吸

盛糞。 日 神 離、 不復堪親近切莫把未爛骷髏認作 真。 妄想驅馳

攬前塵作所依業感原無意苦樂隨因異苦果實堪悲酸辛難比 榮享盡愁還至 切莫把五欲塵勞枉自 迷。 迷卻真常緣氣 紛 紜 世 集 樂 雖

二受念慶

三

心念震

腔離彼前塵 往。 切莫把流注心機作主張。 相分别成何狀饒你會思量終歸罔象過未無踪現 藏性周圓循業隨四視法是戰 心法法全 和 合 在 因緣 原

四法念属 舛、 界依他作本然 戲論 須排遣外道枉糾纏盲無慧眼妙有真空覓我同陽燄切莫把十

木丛 篇慧

毘尼久為腐貨仍過而問焉不啻冷灰豆爆矣安居竟重拈自恣芳規悲 庚寅自恣二偈 序 卧北天目萬慮灰冷有同志數人以毘尼相叩夫

天半世孤燈歎多生緩戒愆幸逢鍼芥合感泣淚如泉 欣交集慨然有伦 秉志慵隨俗期心企昔賢擬將凡地覺直補涅槃 正法衰如許

有誓莫替馬鳴肩 誰將一線傳不明念處慧徒誦木叉篇十子哀先逝諸英喜復聯四弘久

題取好詩 義沙三藏

後賢如未請斯旨 後者安知前者難 宋野梁陳唐代向 高價求法難長安 往往择经家易看 路遠碧天惟珍结 去人成有歸極十 沙漠波日力被彈

願以此功德 莊嚴佛淨土

上報四重恩

下濟三塗苦

盡此一 若有見聞者 一報身 同生極樂國 悉發菩提心

> 英 加集 三十二年於居以林对面佛學書局和自 のていまるけんのみ時

一名调益大师警训琴録

蓮因寺大專學生齋戒學會恭印

中華民國八十二年正月中旬恭印 南投縣水里鄉頂崁村陽明路七巷五號 十三年松中堰 开次茶园

八七四年在近十八日花水里十二月十八日松水里上

中華民國一百年觀世音菩薩出家日再版恭印













